



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

CXXIII. Lehnrevers des Grafen Albrechts von Lindow gegen den Bischof von Brandenburg über Grabow, Leitzkau und verschiedene dazu gehörige Dörfer, vom 13. Juli 1424.

Nutzungsbedingungen

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

CXXIII. Lehnrevers des Grafen Albrechts von Lindow gegen den Bischof von Brandenburg über Grabow, Leigkau und verschiedene dazu gehörige Dörfer, vom 13. Juli 1424.

Wyr Albrecht, von godes gnaden Graue to Lindow vnd herre tho Ruppin, Bekennen openbar in dissem briue vor alle, die ohn syen edder horen lesen, dat wy vnd vnse eruen vnd nakomeling van den Bischoppen van Brandenburg, die tho tiden werden syn, vnd van orem godeshufe tho Brandemborch van rechte tho lehne hebben scholen sodane guder, als hir nhageschreuen stan vnd wy die ock van dem Erwirdigen, In got vater vnd hern, hern Steffen, Itzund Bischopp tho Brandenburg, vnser leuen hern in dem Jar Christi gebortt, als die giff dusses brieues vthwiefet, in Jegenwardichait vele Erbarer Ridder vnd knechte entfangen hebben, als by nname des Strengen Ern Hassen von Bredowes, Ridders vnd Houetmannes der Nigen Marek to Brandenburg, vnser leuen getruwen, der wolduchtigen vnd vesten wicharts von Rochow, Hermens von Redern, fritze wuthenow, Hanses Molekens, kone Borges vnd vele mehr anderer louenwerdiger lude entfangen hebben vnd sodane louede vnd truwe dar vp gethan vnd gefeth hebben, als sick dar tho van rechte gebort. Die guder auer, der wy vns itzunder vornomen, die wy van den ehrgenombden gadeshufe hebben scholen, sint dat Schlot vnd veste Grabow met alle finer thobehoringe, alse dath Iwan de olde vnd Iwan de Junge, sin veddere, von wulffen genant, von vns vorth tho lehne hebben, dath Stedecken Litzke vnd die dorper krakebornne, Metern, Czipell, Czibbeker, Gubitz, Gruplitz, Mufskow, Nollerstorp vnd Glantitz. Were ock, dath wy mehr guder van den gnannten Godeshufe van rechte hebben schulden, des vns de Bischop van Brandenburg vnderrichten vnd vorkunden sy, defuluen hebbe wie ock met samendt den andern tho lehne entfangen. Des tho vrkunde, thuge vnd einer groter bekentnisse, dat alle desse vorgeschreuen stücke vnd artickel geschen vnd war sin, so hebbe wie met witschop vnd wolbedachtem Mode recht vnd redelicken vnse grot Ingeseigel laten hengen an dessen vnser apen brif, dy geuen is na godes borth virteinhundert Jar, darna in dem vier vnd twingesten Jare, an sunte Margareten dage der hilgen Jungkfruwen.

Copiale No. 43 d f. 10 im Königl. Prov.-Archiv zu Magdeburg.

CXXIV. Revers des Klosters Ziesar über den Wiederkauf des ihm verpfändeten Dorfes Zierbieß, vom 21. August 1427.

Wir dorothea von der groben, Ebdisse, Gertrud von Czikaw, priorissa, vnd ganze samenunge des Jungfrauen Closters zu Seieser, Bekennen openbar in dissem briue vor allen, die on sehen ader horen lesen, das wir mit fulbord vnd willen des Erwirdigsten, In gote vaters vnd hern, hern Gunthers, Erczbischoffs zu Magdeburg, vnser gnedigen hern, den duchtegen hanse hune vnd Balthazar Bardeleuen mit der frauen Mechtilden, hans hunes muter, wissenschaft vnd fulbord das dorff yftebift, mit aller finer zubehorunge vor fümff